

SOLO Di Pueblo Bahul di recuerdo

Jean Lacle Reina Juvenil '65 y Reina di Carnaval '67



un hoben di apenas 16 aña di edad tabata pertenece na un grupo di hubentud di Santa Cruz, Jolly Teeners. Jean tabata e hoben cu a bende mas voto pa Jolly Teeners y asina a haya e oportunidad pa bay stadion pa representa su organizacion. Mayoman di Jean, Poli y Catrien a apoya Jean totalmente. E mama Catrien tabata asina entusiasma cu sin sa si Jean lo sali pa representa Jolly Teeners ya a cuminsa prepara por ehempel su bistr oficial pa e competi na Stadion. E anochi di eleccion di reina juvenil, Olga Oduber den Aura's Beauty Salon tabata encarga cu su peinado y maquiyah. E anochi ey un sorpresa grandi tabata e momento cu Prins (Catochi) Nelo Loepstok y Pancho (Choqueque), Percy Jeandor a eligi Jane como Reina Juvenil di Carnaval. Dos aña despues Jean ya cu hopi experiencia ta haya e oportunidad atrobe pa bay representa Club Estrella di Santa Cruz y Jane ta corda cu Pancho a para un flatbom riba e tereno banda di Cursus Succes. Esaki a yena full cu fanatico, manera vruminga riba e flatbom cual a keda lastra door di Alky Croes

caminda pa stadion pa apoya Jean. Riba e anochi precioso Jean tambe a yega stadion den un convertible cu capa baha den su bistr blanco y elegante, confecciona un biaha mas pa su propio mama Catrien y sra. Mani di Janchi Croes. Otro persona cu a apoya Jean totalmente tabata su ruman, Inca Wemet. Su maquiyah tabata hao encargo di Edith Kock mientras su peluquero tabata Ina Rasmijn. Cu hopi nostalgia Jean ta recorda con bahando for di convertible dirigiendo su mes pa kleeckamer e ta scucha e gritonan di su fanaticonan. Momento cu Jean a subi stage pa competi e ta corda cu miradanan tabata bay full rond den stadion pa busca e lugar di su fanaticonan. Na momento cu Jean a mira su fanaticonan, el a sinti e hopi sigur di su mes. Alumnonan di Antonius College a pidi zuster Cecilia e bel di school pa bay haci buya den stadion. Chin Oduber mester a entrega e bel bek na zuster e siguiente mainta. Debi cu



Aki nos por aprecia Jean Lacle (Reina) den compania di su yiu homber Mark y nieta Darien



Chin tambe a celebra e triunfo di Jean te den oranan laat, a perde ariba y no a bay school mes; corda pa hiba e bel. Jean ainda ta corda cu Zuster Cecilia a rabia masha hopi mes pasobra e no por a bati bel e siguiente dia. Cu hopi emocion Jean ta corda e momento cu Prins (Tru) Egbert Ponson y Pancho (Lala) Ochi Oduber a eligi su persona como Reina di Carnaval na unda cu el a mira tur e fanaticonan cu a bin apoya e cuminsa baha abao for di e tribune y a cuminsa bula waya pa acerca e stage.

Jean a ricibi un auto Fiat, Spaarbankboek cu 1000 florin, Aruba Hotel Association, Richard Tushik a regal'e un trip pa Puerto Rico, New York, St. Maarten y Curaçao.

Jane a representa Aruba dignamente den eleccionnan Internacional na St. Croix y Antigua. Eynan Jean a keda como segunda finalista y Miss Popular.

Jean awe ta mama di tres yiu: Saskia (33) Mark (31) Gino (29) y awe ta bendiciona cu cuatro nieto te ainda: Diego (10), Darren (8), Dylon

(8) y Darien (1). Yianan y nietonan ta masha orguyoso mes cu tur e logronan aki di nan mama, abuelita Jean, Reina Hubenil y Reina di Carnaval.



Nos ta bolbe back den e dushi tempo di añanan sesenta y nos ta encontra cu un otro precioso hoy. Poco ta esnan cu tabata tin e suerte pa conquista dos corona di carnaval: Corona Juvenil y corona di Reina di Carnaval. E suerte aki a toca Jean Lacle. Awe nos kier comparti e soño aki cu a bira un realidad. Jean ta recorda cu hopi nostalgia e momentonan hopi special di su bida. Jean,